

Bahan asal dari Arkib

Negara Malaysia

2 bayi kembar dinamai Mahathir dan Marina

KUALA LUMPUR, Selasa — Seorang dari dua bayi kembar yang dilahirkan oleh Puan Hashira di Hospital Our Lady di sini Khamis lalu, dinamakan Mahathir, mengambil sempena bakal Perdana Menteri, Datuk Seri Dr. Mahathir Mohamad.

Seorang lagi bayi perempuan dinamakan Marina, mengambil nama bergam Puan Marina Yusof yang baru-baru ini terpilih menjadi ahli Majlis Tertinggi UMNO.

Bapa kedua bayi kembar itu, Encik Zulkifly Mat Idris berkata, doktornya tidak menjangka isterinya akan melahirkan anak kembar.

Encik Zulkifly, yang begitu gembira memperolehi anak kembar pertama menambah, anak lelakinya seberat enam paun dilahirkan antara lima atau enam minit sebelum yang kedua seberat lima setengah paun.

Kedua bayi tersebut, yang dikatakan kembar lelaki-perempuan pertama dilahirkan di hospital itu, berada dalam keadaan sihat.

Encik Zulkifly, yang bertugas sebagai Pengurus Besar sebuah koperasi tajaan jabatan kerajaan di sini, berkata: "Nama kedua-dua anak saya ini terlintas di kepala saya secara tidak disangka-sangkakan."